

春秋左氏傳杜氏集解

冊八

中華民國二十九年十月二十日

第 一 號

春秋經傳集解襄公四第十七

杜氏註

盡二十五年

經二十有三年春王二月癸酉朔日有食之無傳三月

己巳杞伯勾卒五同盟反夏邾邾我來奔無傳邾我

來奔同有竊邑叛君之罪葬杞孝公無傳陳殺其大夫慶

虎及慶寅書名皆罪其專國叛君陳侯之弟黃自楚

歸于陳諸侯納之曰歸黃至楚所納晉欒盈復入于晉以

復入入曰入于曲沃兵敗奔曲沃據曲沃衆還與君爭非

秋齊侯伐衛遂伐晉兩事故八月叔孫豹帥師救晉

次于雍榆豹救晉待命于雍榆故書次雍榆晉地汲

己卯仲孫速卒。子孟莊也。冬十月乙亥臧孫紇出奔邾。書名

者阿順季氏為之廢長立少以取奔亡罪之。晉人殺欒盈齊侯襲莒。輕行掩其

不備曰襲因伐晉還襲莒不言遂者閒有事。○輕遣政反。

傳二十三年春杞孝公卒。晉悼夫人喪之。悼夫人晉平公母杞

孝公姊妹○喪如字平公不徹樂非禮也。徹去禮為鄰國闕諸

侯絕期故以鄰國責之○為于偽反期居其反。陳侯如楚也。朝公子黃愬二慶

於楚楚人召之。二慶虎及寅也。二十年二慶譖黃黃

二慶○愬使慶樂往殺之。慶樂二慶之族二慶畏誅

息路反絕慶氏以陳叛。因陳侯在楚而叛夏屈建從陳侯圍

陳陳人城。治城以距君屈建楚莫板隊而殺人役人

相命各殺其長。慶氏忿其板隊遂殺築人故遂殺慶

虎慶寅楚人納公子黃君子謂慶氏不義不可肆也。

肆放也故書曰惟命不于常。周書康誥言有義則存無義則亡晉將嫁

女于吳齊侯使析歸父媵之以藩載欒盈及其士。藩車

之有障蔽者使若媵妾在其中○納諸曲沃。欒盈也

盈夜見胥午而告之。胥午守曲沃大夫對曰不可天之所廢

誰能興之子必不免吾非愛死也知不集也。集成也

如智又字盈曰雖然因子而死吾無悔矣我實不天子無

咎焉。言我雖不為天所祐許諾伏之而觴曲沃人

匿盈而飲其衆樂作午言曰今也得欒孺子何如。孺子

盈樂對曰。得主而為之死。猶不死也。皆歎有泣者。爵行。

又言。皆曰。得主何貳之有。盈出徧拜之。謝衆之思己。四月。

樂盈帥曲沃之甲。因魏獻子。以晝入絳。獻子魏舒初絳晉國都。

樂盈佐魏莊子於下軍。莊子魏絳之父。獻子私焉。故因之。

私相愛。趙氏以原屏之難。怨樂氏。成八年莊姬譖之。樂

韓趙方睦。韓起讓趙武故和睦。中行氏以伐秦之役。怨樂氏。四十

年晉伐秦。樂鱗違荀偃命曰。余馬首欲東。而固與范氏和親。范宣子佐中

知悼子少。而聽於中行氏。悼子知罃之子荀盈也。少

故相聽從。程鄭嬖於公。鄭亦荀。唯魏氏及七輿大夫。

與之。官七輿。樂王鮒侍坐於范宣子。或告曰。樂氏至矣。

宣子懼。桓子曰：「奉君以走固宮，必無害也。」桓子樂且

欒氏多怨。子為政，欒氏自外。子在位，其利多矣。既有

利權，又執民柄。賞罰為民柄將何懼焉？欒氏所得，其唯魏

氏乎？而可強取也。夫克亂在權，子無懈矣。公有姻喪

夫人有祀喪王鮒使宣子墨綰冒經。晉自穀戰還遂

雷二婦人輦以如公。恐欒氏有內應距之奉公以如

固宮。固宮宮之有臺觀備守者。○觀古喚反。范鞅逆魏舒。用王鮒計則

成列既乘，將逆欒氏矣。趨進曰：「欒氏帥賊以入，鞅之

父與二三子在君所矣。」二三子大夫使鞅逆吾子，鞅請驂

乘持帶。驂乘必持帶備隨隊。○直類反。遂超乘。眺上獻子車。○眺徒彫反。

右撫劍左援帶援劫之命驅之出僕請請所鞅曰之

公宣子逆諸階逆獻執其手賂之以曲沃恐不與初

斐豹隸也著於丹書蓋犯罪沒為官奴以丹書樂氏

之力臣曰督戎國人懼之斐豹謂宣子曰苟焚丹書

我殺督戎宣子喜曰而殺之所不請於君焚丹書者

有如日言不負要乃出豹而閉之閉著門外督戎

從之踰隱而待之牆也短督戎踰入豹自後擊而殺之

范氏之徒在臺後公臺後樂氏乘公門乘登宣子謂鞅

曰矢及君屋死之鞅用劍以帥卒用劍短兵接樂氏

退攝車從之鞅攝宣子戎車遇樂樂樂盈曰樂免之死將訟



女於天。不言雖死猶樂射之不中。又注。注屬矢於致也。

去聲注之玉反則乘槐本而覆。樂樂車櫟槐而覆。或

以戟鉤之。斷肘而死。樂魴傷。樂盈奔曲沃。晉人圍之。

魴樂氏族。斷音短。秋齊侯伐衛。先驅。穀榮御。王孫揮。召揚為

右。先驅前鋒軍。召上照反。申驅成秩御。莒恆。申鮮虞之傅摯為

右。申驅次前軍。傅摯申鮮虞之子。鮮音僂。曹開御戎。晏父戎為右。公御右也。

貳廣上之登御。邢公盧蒲癸為右。貳廣公副車。廣古曠反。啓牢

成御。襄罷師。狼遽疏為右。左翼曰啓。一皮買反。胙商

子車御侯朝。桓跳為右。右翼曰胙。一。直遙反。跳徒彫。

反。大殿商子游御。夏之御寇。崔如為右。大殿後軍。夏

戶雅反御。燭庸之越駟乘。四人共乘殿車也。傳具載此言。莊公廢舊臣。任武力。

自衛將遂伐晉。晏平仲曰。君恃勇力以伐盟主。若不

濟國之福也。不德而有功。憂必及君。崔杼諫曰。不可。

臣聞之。小國閒大國之敗而毀焉。必受其咎。君其圖

之。弗聽。陳文子見崔武子。文子。陳完之孫。須無。武子。崔杼也。曰。將如

君何。武子曰。吾言於君。君弗聽也。以為盟主而利其

難。羣臣若急。君於何有。言有急不能顧。君子姑止之。欲弑之以說晉。

文子退。告其人曰。崔子將死乎。謂君甚而又過之。弑君。

之惡過於背盟主。不得其死。過君以義。猶自抑也。況以惡乎。

自抑。齊侯遂伐晉。取朝歌。朝歌。今屬汲郡。為二隊。入孟明。

大行。二隊分兵為二部。孟門。晉隘道。大行。張武軍於山在河內郡北。○隊徒對反。○大音泰。張武軍於

熒庭。張武軍謂築壘壁。熒庭。晉地。○熒戶局反。戍郟邵。取晉邑而守之。封

少水。京封晉戶於少水。以為以報平陰之役。乃還。平陰

年十八。趙勝帥東陽之師以追之。獲晏釐。趙勝趙旃之子。東陽晉之

○山東魏郡廣平以北。晏釐齊大夫。八月。叔孫豹帥師

救晉。次于雍榆。禮也。救盟主。禮。季武子無適子。公彌長

而愛悼子。欲立之。公彌公鉏。悼子。紇也。○訪於申豐

曰。彌與紇。吾皆愛之。欲擇才焉而立之。申豐趨退。歸

盡室將行。申豐。季氏屬大夫。他日又訪焉。對曰。其然。將具敝

車而行。其然。猶必爾。乃止。立紇。訪於臧紇。臧紇曰。飲我酒。

春秋經傳集解 卷十七 五十一 中華書局聚

吾為子立之季氏飲大夫酒臧紇為客為上賓○飲於鳩反下同

既獻已獻臧孫命北面重席新樽絜之酒樽既新復絜澡之○重

去聲召悼子降逆之大夫皆起迎臧孫下及旅而召公鉏

獻酬禮畢而使與之齒使從庶子之禮季孫失色恐

從鉏不季氏以公鉏為馬正司馬正家愠而不出閔子馬

見之閔子馬父曰子無然禍福無門唯人所召為人子

者患不孝不患無所所位敬共父命何常之有言廢置在

父無常位也若能孝敬富倍季氏可也則父寵之姦回不軌

禍倍下民可也禍甚於貧賤公鉏然之敬共朝夕恪居官

次次舍季孫喜使飲己酒而以具往盡舍旃具饗燕○

捨音故公鉏氏富。又出爲公左宰。出季氏家孟孫惡

臧孫。不相善。○惡鳥路反。季孫愛之。愛其成己志。孟氏之御騶豐點。

好羯也。羯也。○孟莊子之庶子。孺子秩之弟。孝伯呼報反。○騶側留反。○好呼報反。○羯居竭反。曰：從余

言必爲孟孫。孫爲孟後。再三云：羯從之。孟莊子疾，豐點謂

公鉏苟立羯，請讎臧氏。使孟氏與公鉏共憎臧孫。公鉏謂季孫曰：

孺子秩固其所也。固自當立。若羯立，則季氏信有力於臧

氏矣。臧氏因季孫之欲而爲定之，猶爲有力。今弗應若專立孟氏之少，則季氏有力過於臧氏。

己卯，孟孫卒。公鉏奉羯立于戶側。戶側喪主。季孫至，入哭

而出，曰：秩焉在？公鉏曰：羯在此矣。季孫曰：孺子長，公

鉏曰：何長之有？唯其才也。季孫廢鉏立紇云欲擇才故以此答之。且夫

子之命也。遂誣孟孫遂立羯。秩奔邾。臧孫入哭甚哀。多涕。

出其御曰。孟孫之惡子也。而哀如是。季孫若死。其若

之何。臧孫曰。季孫之愛我疾。疾也。常志相違戾。猶害。○疾。取刃反。

孟孫之惡我藥石也。常志相違戾。猶疾。美疾不如惡石。

夫石猶生我。疾愈也。疾也。疥之美。其毒滋多。孟孫死。吾亡無

日矣。孟氏閉門。告於季孫曰。臧氏將為亂。不使我葬。

欲為公鉏。讎臧氏。季孫不信。臧孫聞之。戒。戒為也。冬十月。孟氏

將辟。藉除於臧氏。辟。穿藏也。於臧氏。借入除葬道。○

字藏。去聲。臧孫使正夫助之。正夫。隧正。除於東門。甲從己

而視之。畏孟氏。故從甲士。視作。孟氏又告季孫。季孫

怒命攻臧氏。甲見其有乙亥臧紇斬鹿門之闕以出奔

邾。魯南城東門初臧宣叔娶于鑄生賈及為而死。鑄國濟北蛇丘

縣所治○繼室以其姪。女子謂兄弟之子為姪穆姜

之姨子也。與姪穆姜為姨母之弟生紇長於公宮姜氏愛

之故立之。立為宣叔嗣臧賈臧為出在鑄。還舅臧武仲自

邾使告臧賈且致大蔡焉。大蔡大龜曰紇不佞失守宗祧

遠祖廟為祧敢告不弔。不為天所弔恤紇之罪不及不祀。言

有後子以大蔡納請其可。請為先人立後賈曰是家之禍也非

子之過也賈聞命矣再拜受龜使為以納請。賈使為己請

遂自為也。為自請臧孫如防。防臧邑使來告曰紇非能害

也。知不足也。言使甲從己。但慮事淺耳。○知音智。非敢私請。為人請也。苟

守先祀。無廢二勳。仲宣勳文。敢不辟邑。據邑請後。故孔子以為要君。

乃立臧為臧紇。致防而奔齊。其人曰。其盟我乎。謂陳其罪。

惡盟諸大。夫以為戒。臧孫曰。無辭。廢長立少。季孫所忌。將盟臧

氏。季孫召外史掌惡臣。而問盟首焉。惡臣謂奔亡者。盟首載書之章。

首對曰。盟東門氏也。曰。毋或如東門。遂不聽。公命殺

適立庶。文公命立子惡。公遂殺之。立宣。公盟叔孫氏也。曰。毋或如叔

孫僑如。欲廢國常。蕩覆公室。謂譖公與季孟於晉。○覆芳服反。季孫

曰。臧孫之罪。皆不及此。孟椒曰。盍以其犯門。斬關。季

孫用之。乃盟臧氏。曰。無或如臧孫紇。干國之紀。犯門



斬關干亦臧孫聞之曰國有人焉誰居其孟椒乎孟椒

孟獻子之孫子服惠伯居猶與也○居音基與音餘晉人克欒盈于曲沃盡殺

欒氏之族黨欒魴出奔宋書曰晉人殺欒盈不言大

夫言自外也自外犯君而入非復晉大夫齊侯還自晉不入不入

遂襲莒門于且于且于莒邑○傷股而退齊侯明日

將復戰期于壽舒壽舒地杞殖華還載甲夜入且于之

隧宿於莒郊二子齊大夫且于隧狹路○還音旋明日先遇

莒子於蒲侯氏蒲侯氏近莒之邑莒子重賂之使無死曰請

有盟欲以盟要二戰華周對曰貪貨奔命亦君所惡也

華周即華還昏而受命日未中而奔之何以事君莒子親